

歲寒堂讀杜卷之十一

目錄

春歸

歸來

草堂


四松

水檻

破船

絕句六首

題桃樹



登樓

過南鄰朱山人水亭

過故斛斯校書莊二首

寄邛州崔錄事

寄司馬山人十二韻

贈王二十四侍御契四十韻

別唐十五誠因寄禮部賈侍郎

長吟

歸鴈

絕句二首

韋諷錄事宅觀曹將軍畫馬圖

送韋諷上閬州參軍

丹青引贈曹將軍霸

寄李十四員外布十二韻

寄董卿嘉榮十韻

青絲

黃河二首

揚旗

軍中醉飲寄沈八劉叟

立秋日雨院中有作

奉和嚴鄭公軍城早秋

附嚴武原作

院中晚晴懷西郭茅舍

到村

村雨

倦夜

遣悶奉呈嚴公二十韻

宿府

樹間

送舍弟穎赴齊州三首

嚴鄭公階下新松得霑字

嚴鄭公宅同詠竹得香字

奉觀嚴鄭公廳事岷山沱江畫圖十韻得忘字

晚秋陪嚴鄭公摩訶池泛舟得溪字

陪嚴鄭公秋晚北池臨眺

初冬

太子張舍人遺織成褥段

至後

觀李固請司馬弟山水圖三首

哭台州鄭司戶蘇少監

去矣行

歲寒堂讀杜卷之十一

嘉興 范輦雲 楞阿 輯

男 玉琨 校

春歸

原註言歸當春時也
○廣德三年成都作

苔徑臨江竹茅簷覆地花別來頻甲子歸到忽春華
流倚
杖看孤石傾壺就淺沙遠鷗浮水靜輕鷺受風斜
受字妙
世

路雖多梗吾生亦有涯此身醒復醉乘興卽爲家

五排之尤雅者○有涯見生命有定卽
多梗不足憂故欲付之一醉公眞悟矣

歸來

客裏有所適歸來知路難開門野鼠走散帙壁魚乾

申云
久客

入門荒涼在目洗杓開新醞低頭著小冠本作拭小盤然著小冠勝憑誰給麴

蘖細酌老江干

歸來句事後始知亦痛定思痛意○上有新醞下給麴蘖爲源源不絕娛老計耳不可言複○書中魚名壁魚本草謂衣魚

草堂

昔我去草堂蠻夷塞成都今我歸草堂成都適無虞四句一篇

之綱請陳初亂時反覆乃須臾大將赴朝廷謂嚴武羣小起異

圖可見重臣不可輕動中宵斬白馬盟歆氣已麤寫出烏合草草光景西取邛

南兵北斷劒閣隅布衣十數人亦擁專城居偽其勢不兩

大始聞蕃漢殊兩卒卻倒戈賊臣互相誅草竊自相屠幾千古一轍焉

知肘腋禍自及梟鏡徒義士皆痛憤紀綱亂相踰一國實

三公萬人欲爲魚唱和作威福孰肯辯無辜眼前列杻械

背後吹笙竽談笑行殺戮濺血滿長衢

數語道盡賊子行徑

到今用

鉞地風雨聞號呼鬼妾與鬼馬色悲充爾娛

色悲兼馬說妙

國家

法令在此又足驚吁

以上皆復陳初亂正去草堂後事

賤子且奔走三年

望東吳弧矢暗江海難爲遊五湖不忍竟舍此復來薤榛

蕪

此言復歸草堂成都無虞

入門四松在步履萬竹疎舊犬喜我歸低

徊入衣裾鄰里喜我歸沽酒攜葫蘆

用樂府

大官喜我來

嚴武

遣騎問所須城郭喜我來賓客隘村墟天下尙未甯健兒

勝腐儒

處亂世實如此非憤詞也

飄飄風塵際何地置老夫於時見疣

贅骨髓幸未枯飲啄媿殘生食薇不敢餘

謂不敢求其餘也

錢云寶應元年四月嚴武入朝七月劔南西川節度使徐知道反八月伏誅公攜家避亂往梓州廣德二年武鎮劔南公復還成都草堂此詩云大將赴朝廷羣小起異圖謂武入朝而知道反也北斷劔閣隅謂知道以兵守要害武不得出也賊臣互相誅謂知道爲其下李忠厚所殺也舊註皆誤

四松

四松初移時大抵三尺強

語朴而妙

別來忽三歲離立如人長

會看根不拔莫計枝凋傷

二句言但得根固卽枝傷可勿計也

幽色幸秀發

疎柯亦昂藏所插小藩籬本亦有隄防終然振撥損得愧

千葉黃

謂人搖損藩籬有傷松枝故其葉萎黃得愧言得不愧也

敢爲故林主黎庶猶

未康避賊令始歸春草滿空堂覽物歎衰謝

謂他物異昔

及茲

慰淒涼

茲指四松以
增長可喜也

清風爲我起

卽松間之
風故曰清

灑面若微霜

足以送老姿聊待偃蓋張我生無根蒂配爾亦茫茫

松有
根而

已無定不足相配故止暫相
賞不能計後日之高蟠也

有情且賦詩事迹兩可忘

事
迹

卽指上已無根
蒂松有根蒂言

勿矜千載後慘澹蟠穹蒼

水檻

此言軒前水檻爲巨
浪所衝不復加葺也

蒼江多風飈雲雨晝夜飛茅軒駕巨浪

茅軒字藏
檻在內

焉得不

低垂遊子久在外門戶無人持高岸尙爲谷何傷浮柱欹

謂

扶顛有勸誠

欲葺
檻

恐貽識者嗤旣殊大厦傾可以一木

支

聊支
不葺

臨川視萬里何必欄檻爲

二語有
頓挫

人生感故物慷

慨有餘悲

臨川二句意甚豁達人生凡事皆
作此觀省多少心計省多少繁費

破船

平生江海心宿昔具扁舟

起得曠○此遡具舟之由
欲浮江海不止遊近溪也豈惟

清溪上日傍柴門遊蒼皇避亂兵緬懷邈舊邱

此言避亂
去後復回

鄰人亦已非野竹獨脩脩船舷不重扣埋沒已經秋仰看

西飛翼下愧東逝流

言舟失不
能遊江海

故者或可掘新者亦易求

所悲數奔竄白屋難久畱

此欲更造船而
憂所居未定也

絕句六首

六首皆舉草堂
春夏景雜言之

日出籬東水雲生舍南泥竹高鳴翡翠沙僻舞鷗雞

藹藹花蘂亂飛飛蜂蝶多幽棲身嬾動客至欲如何

閉戶
久實

有此景

鑿井交椶葉開渠斷竹根扁舟輕裊纜小徑曲通村

蜀井多泥用椶葉交而其中以隔之

急雨捎溪足斜暉轉樹腰隔巢黃鳥並翻藻白魚跳

舍下筍穿壁庭中藤刺簷地晴絲冉冉

游絲

江白草纖纖

江動月移石溪虛雲傍花鳥棲知故道帆過宿誰家

題桃樹

小徑升堂舊不斜五株桃樹亦從遮高秋總餽貧人實來

歲還舒滿眼花簾戶每宜通乳鷺兒童莫信打慈鷗

一片慈祥

之心寡妻羣盜非今日天下車書正一家

申云結與上不蒙何也

徑因桃遮故斜三四言既可濟貧又可供玩簾戶二句
又就草堂前別景言之寡妻跟羣盜來末恨天下一家
之時而寡妻羣盜失所如此無人起而救之
前咏桃樹後則直言心事公詩每不拘如此

登樓

此廣德二年避
亂歸成都作

花近高樓傷客心萬方多難此登臨

二句自
爲詮解

錦江春色來

天地玉壘浮雲變古今

春自來雲自
變觸目皆愁也

北極朝廷終不改

西山寇盜莫相侵可憐後主還祠廟

暗指
代宗

日暮聊爲梁父

吟

花近高樓則所見愈明多難正傷心之由○時吐蕃陷
京師立廣武郡王承宏爲帝郭子儀收京乘輿反正故
曰終不改言吐蕃雖立君終無能改於正命也○時吐
蕃陷松維保三州西山近維州故曰西山寇盜非謂劍
南西山也可憐後主句其以代宗任用程元振魚朝恩
致蒙塵之禍而託諷於後主之用黃皓乎梁父吟公隱

以除姦君側匡復漢鼎自
任也其寄興微婉如此

過南鄰朱山人水亭

相近竹參差相過人不知

不知從竹參差來

幽花欹滿樹小水細

通池歸客村非遠殘樽席更移

惟村近故可杯酒流連二句合看方妙

看君

多道氣從此數追隨

過故斛斯校書莊二首

公自注老儒艱難時病於庸蜀歎其歿後方授一官○鶴

曰卽斛斯六乃草堂之鄰公所謂酒伴者

此老已云歿鄰人嗟未休

申云無庸更贊

竟無宣室召徒有茂陵

求

二句歎其生不見用死乃授官

妻子寄他食

貧不能自養也

園林非昔遊

方及書莊

空餘總帷在淅淅野風秋

原註洙曰漢文帝召賈誼於宣室司馬相如病免家居
茂陵武帝使所忠往取其書相如已死問其妻曰長卿
未死時爲一卷書言有使來求書奏之於
是所忠奏焉天子異之其遺書言封禪事

燕人非傷舍鷗歸祇故池

物在人亡之感

斷橋無復板臥柳自生

枝

形其荒廢

遂有山陽作

謂作詩

多慙鮑叔知素交零落盡

又廣言之

白首淚雙垂

前首從本人說到書莊此首方寫書莊荒廢說到已情
○向秀經山陽作思舊賦○絕交論素交盡利交興

寄邛州崔錄事

邛州崔錄事聞在果園坊久待無消息終朝有底忙應愁

江樹遠怯見野亭荒

推崔不來之意此亦戲筆

浩蕩風塵外誰知酒熟

香

以酒招之

寄司馬山人十二韻

山人必精符識丹藥之術者

關內昔分袂天邊今轉蓬驅馳不可說談笑偶然同道術
曾畱意先生早擊蒙家家迎薊子處處識壺公長嘯峨嵋
北潛行玉壘東有時騎猛虎虛室使仙童髮少何勞白顏
衰肯更紅望雲悲輶軻畢景羨沖融畢景暮年也羨山人神色和潤也喪
亂形仍役淒涼信不通懸旌要路口此指戍兵守隘者言倚劒短亭
中此公自防身耳永作殊方客殘生一老翁相哀骨可換亦遣馭
清風

贈王二十四侍御契四十韻

玩詩意王侍御必罷官嘗與公同客楚中此於

劒南復相見有贈舊注多失解

往往雖相見飄飄媿此身

二句該荆南與蜀在內

不關輕紱冕俱是

避風塵

謂王與公皆避亂也

一別星橋夜

此下言與王別

三移斗柄春敗亡

非赤壁奔走爲黃巾子去何瀟灑余藏異隱淪書成無過

鴈衣故有懸鶉恐懼行裝數伶俜臥疾頻曉鶯工併淚秋

月解傷神會面嗟鰲黑

此下言與王相見

含悽話苦辛接輿還入

楚王粲不歸秦錦里殘丹竈

言同成都

花溪得釣綸

言入浣花

宵中

祇自惜晚起索誰親伏柱聞周史

此段言王侍御至荆南訪公

乘槎似

漢臣鴛鴻不易狎龍虎未宜馴客卽挂冠至交非傾蓋新

由來意氣合直取性情真浪跡同生死無心恥賤貧偶然

存蔗芋幸各對松筠麤飯依他日

昔在楚中

窮愁怪此辰

今在劍南